



Otest & alia struendi aggeris ratio suscipi, quæ hac finitione constet. Primò hic itidē, vt suprà commonui, vrbani muri angulus quispiam huic rei aptus deligendus est. Quo quidem ex sententia constituto, imum aggeris fundamentum hac linearū perscriptione definiri debet. Subtùs ad vrbani muri angulum altero circini pede in A commorante, alter ad 200 pedes distractus, ita circumagendus est, vt versus fossam arcum prescribat. Secundum hunc deinde fossa quæ vallum à fronte cingat, defodietur 250 pedum laxitate, altitudine quinquaginta, ne facile coequari possit. Huius latus quod ad aggerem est, introrsum confirmabitur muro ad perpendiculum consurgente, qui in fossæ alueo ad sui podium 15, super quidem 10 pedes crassus faciendus est. Extrinsicum muri lineamentum, consimiliter & lapidum compositio angulis rectis sursum versus instituenda est, vt super incubans testudo legitimè excepta, sustentetur mollius. Verùm interior linea minimè obliqua, aut sinuosa, ad perpendiculum assurget. Ab hoc deinde muro secundum A, sinistrà dextrâq; muri obliqui retrorsum ducendi sunt, qui comparem sortiti crastitudinem, per vrbana mœnia vtrinq; ad 200 pedes excurrat. Hæc interecto pariete transuerso, qui competentem latitudinem possideat, iungenda sunt, vt ager circumquaq; muro obsepiatur. Qui paries C litera distinguetur ab aliis. Deinde & aliis muris ex A puncto intrinsicus secundum exteriorem ad arcus finitionem ducendus est, qui ab exteriore spacio 50 pedum interposito disstus, ad perpendiculum decem pedibus crassus attollatur. Huic ponè columnæ pilæq; passim astrictæ ad iustum latitudinem excitentur, quarum præsidio incumbens onus testudinis obstinate perferatur. Ac spaciū hisce duobus muris interpositum aptè congruet, struendis ibi propugnaculis. Sub hæc vtrinque ex singulis huius muri finibus directus quispiam equa crassitie ad vrbis mœnia usque producendus est. Jam ad singulos transuersi posterioris terminos ostium aliquod laxius faciendum est, vnde testudines subterraneæ, firmitate valida, latitudine & altitudine expedita deriuentur, per quas ex vrbe subeundi propugnacula facultas præbeat. Præterea in fossæ alueo ad aggeris radicem aperitores compares æquisq; spatiis interceptæ maioribus bombardis destinandæ sunt. Inter quas & minores fenestræ totidem, inter binas maiores singulæ confiцienter, ex quibus minora missilia commodè dirigi possint. Cæterum introrsum ad murum ciuitatis decem testudines ex æquo distribuentur, quadrangulari queq; figuram præferens. Singula harum latera quæ fornicibus robustioribus finiuntur, pedū quasi triginta longitudinē sortiētur. Fornices porro isti, 4 pedibus crassi ita sūt ordinādi, vt quaterni crucis in modū super vicissim impliciti valido obnixu in officio perdurēt. Huiuscmodi quidē fornicum quaterni onibus nouē primus inter laterū crassiores muros ordo cōstabit apta dimensio necōstitutis. Qui, inquā, muri collaterales sui ratione vtrinq; tricenos pedes occupat. Hic murus superioribus additus quadringéatos pedes cōficit. Atq; testudines, quales iam perscripsimus, tot omnino extruendæ sunt, quot areā ad vrbana usque mœnia consument. Verum scalæ singulæ post transuersi muri termi-